

Zeitschrift: Le conteur vaudois : journal de la Suisse romande
Band: 66 (1927)
Heft: 2

Artikel: On gros dzo dé mécanique
Autor: [s.n.]
DOI: <https://doi.org/10.5169/seals-220813>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 06.02.2025

ETH-Bibliothek Zürich, E-Periodica, <https://www.e-periodica.ch>

CONTEUR VAUDOIS

JOURNAL DE LA SUISSE ROMANDE

PARAISSANT LE SAMEDI



Rédaction et Administration :
Imprimerie PACHE-VARIDEL & BRON, Lausanne
PRÉ-DU-MARCHÉ, 9

ABONNEMENT : Suisse, un an Fr. 6.—
six mois, Fr. 3.50 — Etranger, port en sus

Pour les annonces s'adresser exclusivement à
l'Agence de publicité : Gust. AMACKER
Palud, n° 3 — LAUSANNE

ANNONCES

30 cent. la ligne ou son espace.
Réclames, 50 cent.

Les annonces sont reçues jusqu'au jeudi à midi.

Au Conteur Vaudois.

Que l'An nouveau, mon cher Conteur,
T'apporte de nombreux lecteurs !
Poursuis ton but sans t'interrompre !...
Les temps sont durs et l'argent rare,
Mais le Conteur, en bon Vaudois,
Chante sa terre à pleine voix !
Que de la ville, on ne t'éloigne !
Que l'on t'accueille en nos campagnes
Pour ta gaieté de bon aloi
Et tes histoires en patois !
Treize lustres, c'est un bel âge,
Mais non la fin de ton voyage !
Luttant contre l'adversité,
Poursuis-le donc sans hésiter !
Qu'un bon public, pour tes étreintes,
Te fasse vivre et te soutienne !

Louise Chatelan-Roulet.



NOS amis du Jorat nous demandent de publier l'originale relation qui suit de la journée électorale du 5 décembre, concernant le monopole du blé. Nous accédons bien volontiers à leur désir. L'histoire est jolie, bien qu'un peu longue pour nos colonnes, et personne ne se formalisera de leurs « malices ».

On gros dzo dé mécanique.

Sèdè-vo à quié on pao comparâ clia dèrraïre votâ ? porrai bin arrevâ quié na ; eh bin, l'è a on gros dzo dé mécanique, iô sagessâi d'écœore d'onna vèprâ lou bliâ dé tota la Suisse ; voaiti-vâi !
On dzo, clia boune vilhie mèrè Confédérachon, télépoume à son notaire, lou Conset Fédérat :
— Vo faut venî tanquie ver mè : kâ l'è oquie d'estra impoiteint a vo communiquâ ; régrèttou dé adi vo dèrèindzi, mâ ne pu pas vo fèrè clia coumechon pé télépoume : vo z'atteindou.
Quand lou notaire l'a étâ arrevâ, la Confédérachon l'â dit dinse :
— Attiutavâi, monsu, mè seimblie que sarâi lou moment d'écœore mon bliâ devant que lé rattè lai aussant trâo fé dé mau ; et pu, lai a on autr' affèrè ; l'è fam dé fèrè ma commandâ à l'étrandzi ; assebin, iè vouldrè savâ se mè z'infant et petit z'infant sant adi, quemeint stâo 11 ans passâ, d'accô dé mè veindrè l'âo bliâ. Vo faut dan convoquâ mè veingt et dou valet et tot l'âo mondou po lou cinq décembre âo mécanique, iô l'arant à vo reindrè comptou se la messon l'â étâ boune per tsi leu et vo derè per oï oô na, se pu comptâ su l'âo granna ; vo mè farâ rappô ; sarî âo télépoume lou tantou à houet'hâore. Ai-vo oquie a demandâ ?
— Na, pas autr' meint, se fâ lou notaire ; toparâ, vo sarî rémarquâ que lou cinq décembre se trâove itre

onna demèindze, n'arâi pas tant boune façon dé fèrè dé la pussa clli dzo quio, qu'eïn ditè-vo ?

— Cein, lou savè dza ; mâ l'è fè espert po que tot lou mondou sâi préseint ; la senanna ein a trâo que sant vîa, occupâ deïn lé z'usine et lé bureau ; na pas dinse, vo z'arâi prâo dzeint. A vo lé soïn dé l'âo bailli dé l'aovràdzou ; n'è pas cein que vâo manquâ.

— Bin sâ, reinque avouè dâi pâyсан, l'affèrè l'â-drâi prâo ; mâ ne sè pas quemeint cein vâo parti avouè ti cliaô cœo que n'ant jamè ytu pire ôna tsevelhie à nyîa âobin on moulin a vannâ ; ne pu por-tant pas ti lè betâ a la courta ? !

— On cora quie, l'è bin simpliou ; deïn noutra vilhie république lai a prâo d'houmou dé tépa po espli-quâ pé dâi « conférence » à ti mè petit fe dâi vele quemeint on dusse sé comportâ on dzo dé mécanique, quand l'è sâ mèrè-grand qu'écâo. Ora, tigniou que cein sé fassè lou pllie ridou possibillou : chutot, ne vu mein dé tsecagné ; lou vo diou po cein que l'è apèchu qu'eïn a que m'ant dza délavâ pé lou mondou ; ne vu rein dé clli commerce.

Vo rassoveni-vo, âo mâi d'ou ein quatôoze, quand l'è bramâ âo sécô, que totè le clloitè sounavant et que desant âo pâyс : « Peuple debout ! la Patrie l'è ein dandzi ! » por mè, n'âoblièrè jamè cliaô crânou luron qu'arrevânt dé ti lé càrou dé la Suisse, animâ d'on mimou sentiment, dèfèindrè lou drapeau et sa balla devisâ : « Un pour tous, tous pour un ». L'amèrè que lou cinq décembre, quanâ sarant appellâ a écœore mon bliâ, quemeint ein quatôoze, ti mè z'infant poessant répondre à l'appè dé la campagne, la tita hiauta dèso clli mimou drapeau : présent ! — Ora, allâde ; n'è pas lesè dé mè vo z'eïn derè po voue ; kâ m'atteindant pé lou Conset Nationa iô n'eïn a discutâ po on présidènt que sarâi nommâ lou chi ; mâ vo, Monsu, n'âobliâ pas voutron rappô dâo cinq à houet'hâoré. Arèverè.

De suite que lou notaire l'â étâ frou, s'è met ein campagne et vo sède ti lou mau que sè bailli po clli dzo dé mécanique ; l'è t'âi reindou lou pourr' houmou !

Lou cinq à houet'hâoré, devant son bureau tserdzi dé papèrâsse, la tita deïn sé duve man, lou notaire reflèchessâi ; se demandâve : « Mé faut-tè télépoumâ à clia boune vilhie, dinse tot d'on coup : Vouldrè valet sé sant fotu dé vo ! âobin se mè faut lai appreindre clia croute novalla tsau pou ? Craïou que vaut mi lai allâ pé lou dèta ; lou coup sarâi moins brusquou.

Failliaï sé décidâ ; l'empougne la manevalla dâo télépoume pu iè fâ :

— Quemeint cein l'ire einteindu eintrè no, iè vigniou vo fèrè rappô ; mâ, vo faut vo z'atteindre a onna groscha décepon ; i'è voaiti à mein mau et i'è pu mè reindre comptou que pertot lai ant bin fé dé la pussa. Vaïquie :

Dzurique et Berna gardant lou « statu quo » ; i'atteindant dâi z'ôdre po menâ l'âo bliâ.

Glârisse, Tsougue et Bala sé sant bailli lou mot avouè Uri Chevite et Untrevâlde po ne pas battre on coup.

— Quemeint ditè-vo cein ? Lé z'infant dé mè trâi coumoune d'origine n'ant rein voliu ouré ? L'ant dèsobèr à l'âo vilhie mèrè ? Ah ! se mon houmou Guillaume Té n'è pas mœo, quinna bramâre réchâdrant.

— Et Fribou, que mè tsantâve lai a on mâi ?

— Eh bin, Fribou n'a rein a écœore ; mâ tserdzi de vo derè que tsi li lou terrain ne valiâi rein po lou bliâ ; l'â prâo pâtourâdze et armaille, mâ po la terra que n'avâ rein quie dé la tourba et dé la terra dé pipa.

— Ah ! Fribou, Fribou ! te m'eïn a fé que d'onna râde ! Et St-Gallè et Dzenèva ?

— Cliaô dé St-Gallè ant refusâ tot net ; diant que faut laissi écœore lé pâyсан ; por leu l'ant prâo avràdzou a brodâ l'âo dzerotire, et quemeint cliaôque dé Dzenèva que trâovant que lai a mè a gagnè dé fèrè dâi pellulé, diant que sarant bin fou dé venî s'eim-

pliâ dé pussa pé lou mécanique.

— Eh bin, l'è dâo prouprou ! Et Nâotsâi ?

— N'a rein a veindre ; l'a justou dé bliâ por li.

— Et Tessin et Valâ ?

— Tessin et Valâ vo fant savâ que l'âo bliâ n'a pas tant granâ sti an, mâ que toparâ farant on effôo po continua dé lou vo fourni. Ti lé dou vo baillant lou bondzo ; lou premi vo z'einvuyie onna pucheinta tiesse dé « zoccoli » po sé frâre dé la Suisse que porrant sé trâovâ deïn la misère et lou dèind, on botiet dé cliaô ballè fliâio qu'on l'âo dit « édèlweiss », cein, po bailli âo novî Prèidènt dâo Conset Nationa : se l'è on Suisse !

— Vaïquie otie que mè fâ pllièsi ; e ti mè z'einfant l'avant travailli dinse, n'arè pas fauta d'allâ teri lé sounette pé l'étrandzi.

Et cliaôque dé Vaud, étan-te nombreux po écœore ?

— Oï, et lai ant bin tapâ ; l'âi a mimameint dâi velâdzou iô lai sé trâovânt ti.

— Quaisi-vo !

— Ein a dâi z'autro assebin iô n'a pas tant granâ, principâlameint deïn lo vegnoûbliio, et que l'ant zu dâi nialle, dé l'asseinsounâ et dâi pézette !

— Iô avan-te prâ l'âo sèmeins ?

— Craïou que sé sant laissi eintortolhi pé lou prè-sidènt dâo Comptou.

— Eh bin à cliaouque, dite-leu que se voliant atsetâ oquie pé lou Comptou, lai pouant preindre dâi truffè de cliaô sortâ qu'on l'âo dit « Industrie », mâ po lou bliâ, monsu Martinet l'â de meillâo sèmeins.

— Ein a dâi z'autro que quand l'ant oyû zonnâ cliaô mécanique, ein a pardieu bin quoque z'on que l'ant fé canon !

— Fé canon ?

— Oï que n'eïn ant rein voliu.

— Et iô san-te parti cliaô cœo ?

— L'ant étâ tot bounameint ein bâire trâi âo guelhion et pu... ein tsantâ ièna, su l'air de : « Po la fita dâo quatôorze » :

Quand l'è qu'on è dâo vegnoûbliio
On dusse teni son reing ;
Chutot quand l'annâe è boune
Que lé bossaton sant plliein !
Tsantein ti, clli refrain :
Ao diablille lou « monopole »
Cein ne no raporte rein !

Ein vaïquie oncora que sé sant laissi eintortolhi ! Ai-vo fini voutron rappô ?

— Oï.

— Dinse, mè rête a vo remachâ et pu a allâ fèrè ma lista dé granâ po sti an que vint. Ma toparâ, po lou canton dé Vaud : Respect !

— Oï, respect po lou canton dé Vaud ; l'è cein que no dieint assebin per tsi no, et no dieint oncora po ti cliaô que l'ant votâ oï, que l'aussant l'âo z'otto pé la vela, lou vegnoûbliio, âobin la montagne: Respect ! On cheint que deïn noutron bi pâyс, lou mot dé solidaritâ n'è pas dé la dièusèri !

A cliaô que l'ant refusâ lou « monopole » quand bin on dàivetrâi dèmachèin leu, medzi lou pan on bocou pllie nâ et pllie tchè, tanpi ; on ne l'âo vâo rein dé mau ; et se dâi iâdzou l'avant fauta d'on coup dé man, porrant adi comptâ su la campagne ; se la metse n'è pas tant groscha, no partâdzèrèint lou crotson.
Mâ no, pâyсан, se n'eïn étâ pegni lou cinq décembre, cein que no fâ pllièsi, l'è que noutrè crânou députâ d'âo Conset Nationa voliant pouâ réveni dé Berna sein itre Grimmâ !

Ora, Monsu lou Prèidènt Maillefer, ai z'édèlweiss dâo Valâ, no dieigneint ti noutrè bon vœux et vo feint savâi, que se jamè ein a que s'avèsvânt dé contchi noutra Crâi Fédèrâla, lai a deïn lé bou dâo Dzorât, dâi lulu que l'ant oncora dâi bon dzerret !

On pâar dé Dzorât.